

missionem fieri voluit. Porro missione decreta; vel invito hærede per viatorem, aut officialem præfectori, aut ex interdicto, ne vis fiat ei, &c. legatarius introducendus est in possessionem, d. l. is cui § in possessionem 20. ut custodiæ causa simul cum hærede possideat: donec is ratio perpetuæ custodiæ affectus, cautionem præstet, aut legatum solvat. d. l. is cui. in prin. & §. qui legatorum 16. cum similibus.

BACH. NOTÆ.

Tit. IV. VT IN POSS. LEGAT. &c. nihil habet; Quod in fin. ait de missione pro quantitate debiti, ex N. 51. ita communiter accipitur, licet Cuiac id ibid. aliter interpretatur

PORRO MISSIONE. Memini supra monuisse, quod præter Interdicta sua duplici modo tueatur, vel proposita actione in factum, vel rectè Imperio per viatores & ministros l. 3. ne vis fiat &c. l. 1. §. 2. & vent. nom. mul.

DIGESTORVM PARS VI.
LIBER XXXVII.

DE BONORVM POSSESSIONIBVS. Tit. J.

1. Continuatio ex dispositione integra Pandectarum.
2. Quare bonor. poss. introductæ.
3. Definitio.
4. Quid significet hic bonorum appellatio.
5. Quid possessio.
6. Quid ius.
7. Quomodo petatur bonorum poss.
8. Quomodo hæc possessio ab aliis differat.
9. Diuisio possessionum.
10. Causa efficiens & materialis.
11. Forma decernenda & petenda poss. bon. & de edictali ac decretali bonorum poss.
12. Finis & effectus.

quod alios hæredes constituit: nec dari dominium aut familiam, quæ in hæredem transit. § ult. Inst. de har. qual. §. 1. Inst. eod. quod solius est legis: §. 2. Inst. ea. ubi dixi. sed per indirectum. & quadam circumductione nonnullos ad successionem vocari, data bonorum possessione; in quam prætor mittere vice dominij, occurrente ab qua æquitate solet: t. tit. quibus ex caus. in bon. poss. ff. & passim, de dam. infect. de qua primum in genere. post sigillatim erit differendum.

I. BACH. NOTÆ.

Continuationis ratio hoc laborat, quod hic non in vniuersam de iudicijs prætorijs, (de quorum plurimis actum est in libris præcedd.) tractatur, sed de successione ex iure prætorio. Illud n. 2. vulgatum est, quod prætor hæredem in specie dictum, aut dominum, videl. Quiritarium facere non potest, sed monuimus nõ semel, non vna ex causa dominium bonitarium iure prætorio acquiri. Et nõ est inlubtilis ratio, quod prætor ferè semper originaliter, vt post dicemus, possessionem bonorum defert alicui, cum alteri ius ciuile defert hæreditatem: quomodo suos vel agnatos ius ciuile ius ab intestato agnoscit hæredes; verum prætor alios respectiue præfert, aut simul admittit. Quam serè rationem licet animaduertere in casib. quibus dominum prætor facit: ex quo hoc etiam fit, vt dominis & prætorijs hæredibus (effectu talibus) non nisi vtilis actiones dentur.

I. **C**REDO ¶ vos meminisse initio huius operis, iudicia in quorum omniū ordine partibus, progressu atque effectibus explicandis, Pandectarum consumuntur, ita fuisse distributa; vt alia sint ordinaria, alia extraordinaria, ordinariarum autem, partim ciuilia, partim criminalia, ciuiliū rursus alia propriè ciuilia, alia Prætoria. De ciuilibus hæcenus videmur abundè pro instituto nostro tractasse. Transeamus ergo ad iudicia Prætoria: eo quidem commodiore loco atque ordine: quod, postquam tradidimus quemadmodum ex testamentis iure ciuili succedatur, tempus sit demonstrare, quibus modis Prætor tam ex vltima vel iustate, quam ab intestato, successiones deferat: quæ quidem omnes generali nomine appellantur Bonorum possessiones; sicuti quæ iuris ciuilibus sunt; hæreditates. Nam ¶ sciendum est, à prætore neminem effici hæredem, §. quos autem. Inst. eod. ne derogetur apertè ciuili,

¶ Bonorum ¶ igitur possessionem, quod quidem ad præsens argumentum attinet, ita rectè definimus: ius persequendi retinendique patrimonij, siue rei quæ cuiusque cum moritur, fuit, l. 3 §. bonorum, 2. h. t. Bonorum ¶ appellatio non hic capitur deducto ære alieno, vt alias semper: l. subsignatum 19. §. 1. de verb. significat. l. non possunt. de iure fisc. l. fin. de usufruct. lega. l. cum emancipati, §. 1. de collat. bono. sed

III.

IV.